

— 417 —

möge, an wasser oder an vischen, noch an deheinen dingen, dehein wise, an alle geuerde. Man sol si och nüt engern, noch an dem boden höhern, noch in dehein weg swechern anders denne, als si ieze sint, noch obwendig, noch indwendig nvgit machen, daz üzit geirren möge an der verlöschern, och so die herschaft an vns geuallet, an alle geuerde. Were och, das die vrogenant herschaft von Üsenberg von vns erlöset wurdi als vorgeschriben stat, vnd wir nüt die vierhundert march vnd die vierzig march silbers inen geben vnd rhtin vnuerzogenlich, oder daz wir die vrogenanten herschaften nüt versehen, oder daz wir sū verendertin, anders denne als vorgeschriben stat, an dehein stude, als der rate zuo Freiburg, oder der merteile des rates da erfandin, das üze hiean verbrochen weri, wande sū och Friderichen von Üsenberg vnsern öheim vür vns vertröstet hant von der herschaft wegen zuo Kenzingen, es sie vmb nuzze von der herschaft wegen, oder vmb schultheissen, vögte, oder amptlute, oder den rate zuo Kenzingen ze besetzend, oder was si vür vns vertröstet hant, gegen Friderichen von Üsenberg vnserm öheim, als die brief stant, die der vrogenante Friderich von Üsenberg von inen darvmb inne het, von vnsern wegen, das söllent wir och stete haben, vnd söllent si och da von allem schaden gar vnd ganglich lidigen vnd lösen, iren worten darvmb ze gelovbend. Dar vmb vnd vmb dis alles han wir inen versezet, vnd sezen mit disem brief zuo rehtem pfand Sachberg die festi, vnd waz darzuo höret, vnd alles, das wir denne hettin, für zwei tusent march silbers, die wir inen och denne darvmb veruallen sien üz üzit verendert wurdi, anders denne als vorgeschriben stat, vnd och die vier hundert vnd vierzig march silbers, als vorgeschriben stat, vnd söllen och inen die dar vmb in entwurten vnuerzogenlich, vnd mögent si sich och denne der vnderziehen vnd in nemmen ane vnser vnd menglichs von vnsern wegen irrung ane alle geuerde. Were och, das wir das inen nüt vnuerzogenlich in entwurten, vnd in geben, nemmen sū des dehein schaden, wie sich der davon gefügti, den